

Nasen  
schweisse.

**I**ch hab vermeldt/das diß Fieber vnder allen humorn des Leibs  
am meisten das Blut angreiffe/dasselb bewege / vnd dermassen  
verhitz vnd fäule/das das Leben dardurch in Gefahr komme. Da-  
her dann sonderlich Nasenschweissen entstehen/welche in ersten Tagen  
warlich ganz gefährlich seynd/vnd ihr vil wegen diß scharpffen giffts/  
so sich in die Nasen gezogen / zu todt bluten / vnd siderationes oder  
sphaceli cerebri erfolgen/davon Hipp. zu sein Zeiten geschehen/viel  
in Epid. meldt/wann solchs blut gailing gesteht / vnd erstickt die Lung/  
das der halb Kopff vnd Wang sihet / als hett mans mit Prügeln er-  
schlagen/ganz blau vnd voller gestocktes Blut. Vnd wie das Giffte  
im Crocodilio alle oscula venarum, auch den Blutkasten auß-  
frisst/das sich ja der Mensch muß zu todt bluten. Also diß Himmlisch  
Crocodilisch Giffte auch thut/vnd da hilfft nit wol etwas für. Dann  
es ist ein astralis impressio, das ist/Gottes Will / die schwerlich kan  
verhindert werden.

Crocodils  
Giffte.Hemor-  
rhagia  
narium  
Critica.

Darnach ist aber noch ein Nasenschweissen/welchs sich hernach in  
den imparibus diebus criticis begibt/dasselbig ist gut / vnd zeigt offte  
ein Auflösung der schweren Kranckheiten des Hirns vnd Hauptes an.  
Dann Hippoc. Sanguinis eruptiones per nares abunde si fiant,  
plerunq; liberant: Vnd Gal. darvon vberflüssig lib. i. Curat. ad  
Glaucnem c. 14. de feb. accid. nit vonnöten / alles hicher zufüh-  
ren/es wil mir sonst diß mein Werck zu groß wachsen.

Nichts desto weniger bluten sie offte so hefftig/vnd wann man ihnen  
das Blut nit stellt/so müssen sie vor Dnmachten/ so ihnen alles Blut  
entgeht/erligen.

Folgen derhalben etliche Blutstellungen/wo solchs wolt zu viel wer-  
den/vnd die Kräfte dahin fallen/aber das muß ich auch melden / wann  
diese critica Blutschweissen anfahen/soll mans nit baldt stellen / was  
heraus soll/ das muß heraus. Vnd gibt die Natur nicht liederlich vff  
die Arkney/d; Blut wil offte nit still stehn/wan du schon gute bewehrte  
Blutstellung aufflegst. Aber du solt drum nicht erschrecken vnd  
sorgfältig seyn/fahr nur darmit fort/vrplötzlich gehet solches / fangs  
aber

aber